



14. Tschanteda da la suprastanza cumünela in marculli, ils 5.10.2016 zieva la radunanza in chesa cumünela S-chanf

Presidi: Duri Campell

Preschaints: Gian Andrea Bott, Paolo Bernasconi, Jnes Barblan, Liun Quadri

Absaints:

Actuar: Duri Schwenninger

Tractandas:

1. Protocol
2. 0.211 Dumandas da fabrica
3. 7.100 Surdeda da lavuors da catram plan da quartier Resgia Chapella
4. 0.212 Publicaziun piazza da chanzlist
5. 9.999 Varia

La glista da tractandas vain approveda sainza objecziuns.

Protocol: Il protocol da la tschanteda dals 07.09.2016 vain approvo unanimamaing.

125 0.211 Dumanda da fabrica Vschinauncha politica, lavuors da meglioraziun Flin

La suprastanza vaiva decis d'inoltrer üna dumanda da fabrica BAB per fer lavuors da meglioraziun da la via in Flin, siand cha quella es mincha mumaint be fouras e chaschuna be reclamaziuns. L'ideja es, da cuverner la via cun granulat da catram. Zieva chi'd es avaunt maun il permiss da l'uffizi per il svilup dal territori, decida la suprastanza da conceder unanimamaing il permiss da fabrica cun las medemmas cundiziuns scu cha l'uffizi chantunel ho fat. Inavaunt decida la suprastanza da surder la lavur a la firma Walo Bertschinger Chur AG, Samedan per l'import da fr. 30'348.00.

126 7.100 Chanalisaziun/sarinera Surdeda da lavuors da catram via da quartier „Resgia Chapella“

Resguardand la deliberaziun dal credit da la radunanza cumünela dals 16.09.2015 surdo la suprastanza las lavuors da catram a la Walo Bertschinger Chur AG, Samedan per l'import offert da fr.336'483.10. Tar la surdeda s'ho resguardo l'offerta economicamaing la pü favuraivla.

127 0.212 Persunel Decisiun da scriver our la piazza da chanzlist libra

Il chanzlist actuel ho inoltro sia desditta da la piazza süls 31.12.2016. Per na perder temp decida la suprastanza da publicher pü svelt pussibel la piazza libra.

128 9.999 Varia

Da quista tractanda nu vain fat adöver.

A las 22.30 vain la tschanteda alveda.

In buna fè

L'actuar:
D. Schwenninger